

ՓՈՐՁ

ԱԳԳԱՅԻՆ ԵՒ ԳՐԱԿԱՆԱԿԱՆ

ՄԻԱՄՍԵԱՅ ՀԱՇՏԻՄ

ԵՐՐՈՐԴ ՏԱՐԻ.

ՅՈՒԼԻՍ ԵՒ ՕԳՈՍՏՈՍ

ԻՆՍՏԻՏՍ

ՏՓԻԾ

1879.

ԱԶԳԱՅԻՆ ՏԵՍՈՒԹԻՒՆ

ՕՍՄԱՆԵԱՆ ԻՆՔՆԱԿԱԼՈՒԹԻՒՆ. ՏԱՃԿԱԼԱՅՔ ԵՒ ՌՌԻՍԱԿԱՅՔ

Արեւի չէ ընդհանրապէս խորհրդածող մարդու անտարբեր մնալ և չի մտածել այն վիճակին վրայ՝ որու մէջ կը գտնուի Օսմանեան լայնատարած ինքնակալութիւնը, և ի մասնաւորի նոյն միջոցին ո՛ր և իցէ հայու իւր ազգին վրայ չի դարձնել միտքը և նորա ապագային վրայ չի խորհիլ: «Ո՛ր և իցէ» հայու ըսինք, վասն զի հայը օտարացեալ նաև. իւր հայրենի երկրէն՝ հիւսիսային սառնամանեաց մէջ կամ այրեցած գօտոյն տակ հառաչանք մը ունեցել է հին հայրենի երկրին համար, և ազգային աշխարհագրութեան սղէտնիւր տեսած ենք՝ որ իրենց պապենական յիշատակաւ՝ Տայոց գաւառի և Սիւնեաց երկրի վրայ տեղեկութիւն հարցնելու կ'ենէին:

Այո՛, պետական մարդ՝ գիտնական մարդ՝ փիլիսոփայ՝ պատմաբան՝ վերջապէս աշխարհք բոլոր և ընդհանուր՝ իրաւունք ունին մեծ ինքնակալութեան մը ճգնաժամին վրայ մտածելու՝ խորհրդածելու. ոմանք իրենց շահերու կամ վնասներու հետեանաց համար, ուրիշներ իրենց ուսման նիւթական և բարոյական պատճառներու քննութեան ճոխ նիւթ գտնելուն համար: Բայց նոյնպէս և թերևս քիչ մ'աւելի մեծ իրաւունք ունին հայ ազգի անհասները թէպէտ ցրուած՝ կամ մնացած հայրենի երկրին մէջ խորհրդածելու իրենց վիճակին վրայ, որ նոյն տէրութեան վիճակին հետեանք կրնայ լինիլ:

Երկու հարիւր տարի է որ քաղաքագէտ աշխարհք կը նշմարէր փոթորկալից սև ամպերը որ Թուրքիոյ գլխուն վրայ կը ժողվուէին. կը անանէր վտանգը պուրսէն և ներսէն որ իրեն կ'սպառնար, և երկայն ժամանակներ ոչ որ այս մեծ տէրութեան դեկավարներէն չէր տեսել վտանգը. կասկածոս հայրենասիրութիւն՝ ոչ ուրուք սրտին թելիւրը չէր արթնցնել մահամերձ թմրութենէն, և սպառնալ վասն զի

անցելոյն փառքը և յիշատակին շլացուցիչ փայլը՝ Սամանցի պետական մարտոց աչքը նսեմացուցեր էր, թերևս օգիտութենէն աւելի՝ կրօնական համոզմունք շնթած էր իրենց թէ՛ այդչափ յաջողութիւն տուողն Աստուած զերեսնք չի կրնար թողուլ:

Իսկ երբ թուրքը վիճակն այսպէս կը տեսներ և կը դատեր, հայը նոյնչափ տգէտ, նոյնպէս և նոյնչափ համոզեալ, և թերևս իրաւամբ թէ Սամանցի թագաւորէն աւելի արդար ոչ ոք չկար իւր շահերը՝ իւր կենքը պաշտպանող, նորա կենաց և զօրութեան համար աղօթք կ'ընէր:

Բայց երբ թագաւորական իշխանութիւն տէրութեան հետ միասին սկսու տկարանալ, երբ նորանոր աշխարհակալութիւնք ոչ միայն սկսան սանձուիլ՝ այլ նաև յարձակմունք յարձակմանց սկսան պատասխանել, երբ ժողովրդոց և կուսակալաց ապստամբութիւնք իրարու սկսան յաջորդել, հարստահարութիւնք և բռնութիւնք աղքատութիւնք երկրին մէջ սովորական ըրին, և կեդրոնական իշխանութեան գլուխ վեհապետին հրամանները անյսնչի եղան, իւր հրովարտակները մեռեալ թուղթ մնացին նախարարաց ձեռք և կուսակալաց բարձի թողի եզան և չեղեալ համարեցան. անկայուն՝ վրանաբնակ՝ աւազակաբարոյ ժողովուրդք տանելի հարստահարութիւնքը անուանելի վիճակի հասուցին: Հայաստանու բնիկ հայը տառապեալ, ճնշեալ, հոգեսպառ մեծ և պզտի աւազականերէ, ուրացաւ՝ մէկ մասը իւր բազմադարեան հաւատքը առ Աստուած, միւս մասն ուրացաւ իւր նախնեաց երկիրը՝ թողուց տուն՝ եկեղեցի և հարց և սիրեալ ոսկորներ և գալթեց յօտարութիւն. ինչ զարմանք նաև երբ մնացեալը հաւատարիմ՝ երկրին և կրօնքին և թագաւորին արքայական անկարող արդարութեան վրայէն հաւատքը վերուց և օտարէն յոյս սկսաւ փնտռել, վասն զի տեսաւ նոյն ինք վեհապետը այս վերջին օրերս օտարին կը դիմէր, յոյս փրկութեան փնտռելու ի Բեռլին:

Հայ ազգին մէջ տեսանք մարդիկ բարձր իրենց դիրքով կամ դիտութեամբ կամ խելքով, որ իրենց ազգայնոց այս ձգտմունքը մեղապրեցին, իսրև թէ «հայ ազգը պէտք չէր զատել իւր շահերը Սամանեան ինքնակալութեան շահերէն», մենք յայտնի կը զուցենք թէ հայ ազգը չէր որ ի Բեռլին դիմելով իւր շահերը զատեց և որոշեց ճաճկական պետութենէն, այլ սխալ և ծուռ քաղաքագիտութիւնը որ շատ անգամ կը մոլորցնէ կառավարող ձեռքերը՝ այդպէս կարծեց

և ըստ այնմ շարժեցաւ ի վնաս անձին՝ ի վնաս հաւատարիմ. հանա-
գարտ ազգին՝ որ իւր գրոշուկին, ասկ իսողաղ, ապրիլ կը փնտռէր, և
խաղաղութեան սեղ գառն հալածանք կը կրէր:

Չրուցենք՝ ցցնենք ուրեմն թէ ուր կը ախայի Օսմանեան պետու-
թեան քաղաքականութիւնը Հայոց վերաբերմամբ, և ի՞նչ կրնամ ընել
հայք և ի՞նչ պէտք են ընել թէ՛ նոքա որ հայրենի երկրին մէջ կը
բնակին, թէ՛ նոքա որ հայրենեաց գուրս զաղթեալ, չեն կրնար իբրև
համազգային արենակից եզլայր՝ իբրև Քրիստոնեայ. համակրօն ելը
բայր չի տեսնել, չի լսել իրենց հարազատաց տառապանքը, նոցա
եղբրանաց ձայնը և անուարքեր մնալ՝ անկարեկիր:

Ա.

Հարիւր տարի կայ որ հայ ազգին դուրսիւնը հայրենի երկ-
րին մէջ անտանելի եղած է, վասն զի ինչպէս պատմութիւն, աւան-
դութիւնք, նոյնպէս և աւելի զօրութեամբ աւերակք՝ աւերակաց վրայ
կը վկայեն թէ հարիւր տարուան միջոցին՝ մէջ այս ազգը սաստիկ
տուճապեր է, բայց միշտ յոյս պահելով և վստահանալով Օսմա-
նեան ինքնակալաց խոստմանց վրայ, մանաւանդ վաթսուը տարուրնէ
ի վեր Սուլթան Մահմուտէ սկսեալ՝ որ շատ քաղաքագէտք և պատ-
մաբանք վերանորոգիչ Օսմանեան պետութեան անուանեցին, ոչ խորտ-
մունք և ոչ ամենախորք զանգստանսոյ ձայն ձգած չէ, յուսալով թէ
վեհապետք և կրօնական զուխք մահմէտականութեան իրենց ձայնը և
իրենց հրամանը լսելի ընել տալու ոչ միայն փափաք այլ և կարողութիւն
ունէին: Ուստի երբ արքայական հրովարտակներն կը քարոզեն կրօնից
անխտրութիւն, օրինաց առջև հաւասարութիւն,
դատաստանարանաց արդար իրաւարարութիւն, կա-
ռավարող անձանց անկողմնակալ ընտրութիւն, հար-
կաց արդար բաժանումն, ստացուածոց կենաց և պատ-
ւոյ ապահովութիւն, չէին կարծեր թէ այդ ահարկու Վէհմէտ-
ներու, Ալեքիմերու, Վիլէյմաններու թողներուն, Սուլթան Մահմուտի
Սուլթան Ապրիւլ—Վէճիլի, Սուլթան Ապրիւլ—Ազիլի, Սուլթան
Մուրատի և Սուլթան Ապրիւլ—Համիտի հանդիսաւոր ու պատմա-
աւրանեալ հրովարտակք և սահմանադրութիւնք անկատար և ան-
պորձաբեկ պիտի մնան, ուստի յուսով ապրեցան և ոչ միայն գոր-
ծով այլ և ոչ խօսքով և ոչ գրով բան մը բառ մը չարտասա-
նեցին և չի գրոշմեցին Օսմանեան պետութեան դէմ:

Բայց եթէ չի խօսեցան և չի գործեցին, եթէ իրենց դարաւոր հաւատարմութեան չի դրժեցին, միթէ՞ կարելի էր այդ կեդրօնակա՞ն զօրութեան վրայ որ կը խոստանար և չէր կրնար կատարել՝ որ գիտէր ներել տալստաւքաց և անզգամաց և չէր կրնար պաշտպանել զատը անմեղ հյու աղերսարկուաց, կարելի՞ էր վստահութիւն ունենալ: Մանաւանդ որ նա հզօրն և ահարկու երբեմն, հիմն յայտնի կուրօտ էր պաշտպանութեան քրիստոնեայ պետութեանց որ այդ վճռեալու համար ժողովուրդներ էին ի բնութիւն:

Եւ որովհետև Սէն — Մթէֆանոսի և Բեռլինի տեղաններէ ինկած փշրանքներ հայուն կենաց փոքր ձարակ մը խոստացան, պէտք էր որ Հայաստանի և Կիլիկիոյ հայր ամեն տեսակ և աւելի տառապանաց ու հալածանաց ենթարկի. պէտք էր որ դրսեան թշուառութիւն մը կառավարութեան կողմէն զինք ոգեպառ ընելու աշխատի. այս ահա մենք և հայ ազգը չէ կարող հասկնալ:

Այդ երիտասարդ Թուրքիան եթէ այդպէս կը ծառայէ հայրենեաց և Քեամիլ փաշային պէս կը մտածէ և խորհուրդ կուտայ վեհապետին, կարծելով թէ ճաւրոսի բարձանց վրայ բնակող քանի մը հայք ջնջելով կենդանութիւն կ'առնու ճաճկաստան և թէ իր վտանգը հայոց ազգէն է՝ շատ կը սիրալի: Փոխանակ ներքին, բայց ճշմարիտ բարեկարգութիւնք իրապործելու, երկիրն անապատացնելու դրութիւնը ոյժ և զօրութիւն չի տալ Սամանեան պետութեան և թերթ թերթ կ'ընկնին այդ գաւառները որ այդ մեծատարած ինքնակալութիւնը կը կազմեն:

Եթէ իրօք վտանգ մը կայ պետութեան, իր ելեմտական վիճակն է, կոյր են անոնք որ չեն տեսներ և վտանգ հոն կը փնտռեն ուր չի կայ և ուր կ'ուզեն ստեղծել յիմարաբար: Այսչափ տարի բարեւորագութիւն խոստանալ և չի կրնալ կատարել այլ վատն ի վտաւթարագոյն երթալ, հոն է վտանգը:

Փորձուած՝ յայտնի եղած ճշմարտութիւն է որ ինչպէս առանձին մարդկան. նոյնպէս պետութեանց համար միմիայն ձանապարհ կայ փրկութեան, լինիլ ուղիղ և պարզ: Մաքիավէլական քաղաքագիտութիւնը որ բռնութեան, խարէութեան, ստութեան, և խարդախութեան վրայ կը հիմնի՝ ոչինչ չի կրնար ստեղծել:

Մաքիավէլի հայրենեաց որդիք, Քափուր և Վիքտօր Էմմանուէլ Մաքիավէլական քաղաքականութեամբ չի կազմեցին իսպախ, այլ պարզ՝ ճշմարիտ ուղղութեամբ և համարձակութեամբ անյուսալի և երազ

կարծուած թտալիան կազմեցին: Սօջթերինօյէ և Սատովայէ վերջ Աւստրիա նոցա օրինակէն իրատուած, իւր քայքայմունքէն կանգնեցաւ ոչ կեդրոնականութեան պիմելով և ոչ սահմանադրութեան հրատարակմամբ և առ ժամանակեայ գործադրութեամբ պուրսն ուներսը շլացնելով, այլ հիմամբ և ուղղութեամբ ամեն ինչ գործադրելով: Հոն էլ շահերը տարբեր էին, հոն նաև բազմազգի, բազմաազգի և բազմալեզու և բազմակրօն ժողովուրդք էին, բայց քաղաքագիտութիւն մը կար միացնելու համար շահերը, մօտեցնելու համար ազգերը, ընտելացնելու համար լեզուները, յարգելու համար կրօնները, և այսպէս կորուսեալ իտալիոյ տեղ, Աւստրիա չի խորչեցաւ դարաւոր անունը նաև փոխելէ, Աւստրիոյ-Հունգարիոյ անունն առաւ և Քօսնա գրաւեց, եթէ չըջակայքը նաև չի գրաւէ:

Արեւի է որ այդ երիտասարդ Թուրքիոյ կարճատևս կրօնամոլք, աշակիրտք կամ համախոհք Քեամիլ փաշայի: կը խորհրդածին թէ, « ինչ օգուտ տեսանք Ռումանիոյ, Սերպիոյ արուած յինքնուրու « թեանց կամ ինքնիշխանութեանց. ամեն պաշինք ոտնակոխ ըրին, « Վեհապետական լուծը իտրականելու ամեն ջանք ի գործ դրին, « բուն, մեծ և հզօր թշնամին չի տեսնուած իրենք թշնամին դար- « ձան, իրենց տկար և ողորմելի պէնքերը մեզի պէմ շարժելու ա- « ռաջին փորձ ըրին, թշնամեոյն հետ դաշնակից, մեզ հպատակ « եղողները զմեզ դաւաճանեցին և մեզի պէմ յարձակեցան, և մեր « մեծ դասաւորն Եւրոպա ոչ միայն մեր յաղթական զէնքերը դադ- « րեցուց նոցա դէմ՝ այլ նաև այն բարբարոս ապստամբաց՝ որ մեր « կալանաւորներն կ'սպանէին գազանաբար, քիթ եւ ականջ կը կտրէին, « վերջին կողմնակալութեամբ վարուեցաւ: Եթէ Եւրոպիոյ մասին մէջ « մեր ծոցը օձ սնուցինք, պէտք չէ որ նոյն յիմարութիւնն ընենք « մեր Ասիական ճաճ կ'ստանի մէջ. խելօքութիւնը ջնջել վերցնել է « այն ամեն տարիքը որ օր մը կրնան մեզ նոյն փտանգը ծնանիլ « և օտարին ձեռնամխութեան սուրթ և գործիք լինիլ:

« Հիմա, այս օր գոնէ Անգլիոյ շահերն կը պահանջին որ Փոքր « Ասիոյ (մենք և Անգլիա Հայաստան բառը ոչ միայն չենք ձանդեր, « այլ այդ անունը հնչող կզակները պէտք է ջախջախենք) մեր ու- « նեցած երկիրները ապա մնան օտարին միջամտութենէն և միջա- « մտութեան ամեն աւիթներէն. ուստի այդ սուրբ նպատակին հա- « մար պէտք է և պետական իրաւունք կը պահանջի որ ո՛ր և իցէ կաս- « կածելի սաքր անհետ ընենք, որպէս զի ապագայն ապահովենք:

« ուրեմն այդ հայ ազգը վերցնելու, անհետ և անձեռ ընելու ենք»
« Իւ այդ ի գլուխ հանելու համար բան չի պակսիր մեզ. ամեն գործիք
« պատրաստ ունինք — Քուրդ, Չէրկէզ, կուսակալ, դատաւոր, հարկաւ
« հան, ոստիկան, վերջապէս ամենայն ինչ. կրօնական պատերազմ մը կը
« հրատարակենք, և դիւրին պատերազմ այնպիսի ազգի մը դէմ՝ որ
« ոչ զէնք ունի, ոչ զինուորութիւն և ոչ պաշտպան. երբ ընդ հաւ
« կառակն, մեք զէնք էլ ունինք, զինուորութիւն էլ և աշխարհիս
« ամենէն մեծ տէրութեանց մէկը՝ և ամենէն հարուստը մեզ նիւ
« զակից է և մեր Ասիական աշխարհքին երաշխաւոր: Աւ եթէ այդ
« հայ ազգը բնաջինջ լինի և քրիստոնեայ Ներսէս կրօնակից մը
« փնտռէ և չի գտնէ ճաճկական Ասիոյ մէջ, կը թողու զմեզ հան
« զիստ և այն ատեն կ'ըբարջինք ներքին գործերով և բարեկարգու
« թեամբք: Ի՞նչ կը պակսի մեզ, — հո՞ղ, — մեր Ասիոյ երկրին տա
« բաժութիւնը միայն՝ գրեթէ չորս անգամ Ֆրանսայի չափ ընդար
« ձակ է. ամեն տեսակ հարստութիւն, ամեն տեսակ կլիմա, ամեն
« տեսակ բերք, քաջ, պատերազմող, սակաւապէտ ժողովուրդներ, որ
« երբեմն աշխարհք բոլոր սարսեր են, և ամենուն կապ, կեդրոնա
« կան կառավարութիւն նիւթական և աննիւթական տապարով
« զինեալ: Ան ատեն կրնանք մեր ձայնը բարձրացնել, ան
« ատեն կրնանք մեր հին փառքը կենդանացնել, մեր հլեմտական
« վիճակը կանոնաւորել, մեր գաւառաւաններն օրինաւորել, արհեստ
« ներ, գիտութիւնք ծագկեցնել, փոխանակ դաս տանլու, դաս տալ
« Ներսէսի: ...»

Ահա երազը որ կ'երազնէ կրիտասարդ Քուրքիոյ իմաստունք և գիտնականք, և չեն խորհրդածեր թէ՛ այդ ամեն բարեխառութեանց ոչ դք արգելք չէ եղած ի քրիստոնեայ ժողովրդոց այսչափ տարիներէ ի վեր, ոչ նոքա որ այսօր ազատ են իրենց լծոյն և ոչ նոքա որ նոյն լծոյն տակ կը հեծեն, բարեխառութեանց կը սպասեն և ոչ բնաջինջ լինելու. պէտք է գիտնան այդ Քեամիլ փաշայի արբանեակք թէ կը սխալին իրենց բոլոր այդ տրամաբան խորհրդածութեանց մէջ:

Ոչ մէկ երկիր, ոչ մէկ ազգութիւն և ոչ ամենափոքր միկ ժողովուրդ, Հելլէն, Ռուսէն, Սերպ, Չեռնագորցի, շնորհք չեն անսիր տիրող ազգէն, և ինչ որ եղեր են և են այսօր, բուռն, յուսահատ ջանքով և իրենց կրօնակից պետութեանց օգնութեամբ և թեւարկութեամբ եղեր են, և ամեն յարաբերութեանց մէջ դժկամակութիւն, նախատինք, արհամարհանք գտեր են միշտ ինքնակալ կառաւ

վարութենէն և փոխարէն իրենք հեռ և ասելութիւն տաճեր իրենց արտին մէջ, և առաջին առթին չեն սապասեր, այլ այդ առթիւն ստեղծելու ջանացեր են: Եւ Եւրոպայ մեծ գատաւորը արդար լինելու համար պարտաւորուել է, զանոնք անգուժ վրէժխնդրութենէ և բնաջինջ լինելէ ազատելու համար օր մը լուծը թեթեցնել և վերջը այդ անիրաւ լուծը բնաւ խորտակել:

Քեամիլ փաշայի արբանեակները այս օր Տօրոսի լերանց վայէն, վաղը Վանայ ծովուն եզերքէն, միւս օր Մշոյ դաշտերէն բնաջինջ ընել կը մտածեն հայ ազգը և անունը Հայաստան անունը մենք հայերն չենք պահեր, մենք աշխարհագրութիւնը մոռցած ժամանակնիս նաև աշխարհագիրք այդ երկրին անունը այդպէս պահեր են դարերով և մինչև մեր օրերը հասուցեր, և հիմա մեր սղաքը երբ աշխարհագրութիւն դիտեն, այդ բառերը ջնջել Քեամիլ փաշայի մը կարողութենէն վեր է:

Իսկ անդէն հայ ազգը անհետ և անձեռ ընել, այսօր, ներկայ ժամանակիս մէջ շատ դժուարին է, իսկ վաղը, ապագային մէջ անկարելի. վասն զի ապագան ձէնկիզներու՝ Վէկթիմուրներու չէ. դեռ այսօր կրնար զանուիլ և կան քաղաքագէտք՝ որ սկարր, թշուառը արհամարհեն, հառաչանաց ձայներու խուլ լինին, ինկածին ոսնհար լինին, բայց մշտնջենաւոր չեն: Վասն զի նոյն այդ քաղաքագէտք ամօթապարտ իրենց քաղաքապիտութենէն, վերջին փորձ մը միայն կը խոստանան փորձել, և այս փորձին համար, ահա տարի մ' է որ ոսկւոյ մը զոհողութիւն չեն ընել:

Ապագային վրայ փոքրիկ վտահուլութեամբ, թէ մեր ազգին աւելի լաւ օրեր կը պահէ, մտածենք թէ ինչ կարելի է ընել, այն ընկնք և չի դանդաղինք. ճշմարիտ է որ շատ փոքր է մեր կարողութիւնը, և շատ մեծ է մեր անդր, անօգնական՝ յամենուստ լքեալ ազգին. թշուառութիւնը, բայց մեզմէ թշուառներ էլ կան, մեզմէ աւելի մերժեալ և հալածեալ և տարագիրք ի հայրենի երկրէն կը գտնուին, և նոքա այսօր լուս՝ անձայն կ'աշխատին և իրենց աղզը կը ջանան կանգնեցնել: Չանուիք ուրեմն այս վիճակին մենք էլ դարման գտնել և հնարել: Այս օր մենք մեզի օգնենք, վաղիւ Աստուած մեզի կ'օգնէ և իր ձեռքը՝ պաշտպաններ կը յարուցանէ, և նոյն իսկ Հայաստանի տեսարց՝ քաղաքագէտ, խոհուն և հեռատես խորհրդականներ կարող է յարուցանել: